



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Qvaestvarii.

urn:nbn:de:hbz:466:1-30427

erit quasi per ignem. Ex hoc patet, qd de igne inferni non potest intelligi, quia per illum nullus saluatur, sed de igne purgatorij, sicut exponunt Tho. ibi. Ambr. Aug. & alij. Item patet per illud Math. 5. Iudex tradat te ministro, & in carcerem mittaris: amen dico tibi, non exies donec reddas vniuersum quadratē. Per hunc carcerem Ambrosi. exponit purgatorium. Item per illud Math. 12. Qui dixerit verbum in spiritum sanctum, non remittetur ei, neque in hoc seculo, neque in alio. Ergo in alio seculo potest fieri remissio, non in inf. m. 3, quia ibi nulla est redemptio, neque in paradiso: quia ibi nec culpa nec pena purganda est, ergo in purgatorio: & sic intelligit Greg. Item 2. Mach. 12. Sancta & salubris excogitatio pro defunctis exorare, vt à peccatis soluantur. quod non potest intelligi de existentibus in paradiso, neque in inferno, ergo de existentibus in purgatorio. Et licet hic liber apud Hebræos non sit canonicus, secundum Hieron. in prologo Galeato, est tamen apud Christianos authenticus, vt ibi dicit Hierony. & Augustin. 18. libro de ciuit. Dei & secundum canonem concilij Carthaginens. August. in lib. de cura pro mortuis. approbat suffragia pro mortuis. Idem Ambrosius de obitu Theodosij, & Damas. dicit hunc usum orandi pro mortuis, ex ritu apostolorum emanasse, quod etiam Dion. affirmat. Ecce quantum errant hi moderni hæretici, conantes purgatorium remouere. De pœnis, & loco purgatorij, non est præsentis specularionis, quia ad conscientiam non pertinent, sed tantum credere ipsum esse, ad peccatorum purgationem debemus, vt tenet ecclesia Christi, An Papa liberare possit omnes animas à purgatorio, supra, Papa. §. vndecimo.

PVRGATIO.

Purgatio mulierum post partum non est necessaria, nec peccant mulieres intrantes ecclesiam ad referendum gratias Deo ante illud tempus. Si ta-

men ex deuotione volunt abstinere aliquandiu ab ingressu, nō sunt reprobande, nisi facerent seruantes ritum iudaicum, vel ex superstitione: extra eod. c. vno. Hoc enim mortale peccatum esset, & Christianæ fidei contrarium. Ante purgationem non est mortale viro cognoscere propriam vxorē, ex consilio tamen deberet abstinere secundum Ray. & Veruer. d. 5. cad. eius. & 31. q. 7. c. non solum.

PVLLANIMITAS.

Pvllanimitas vitium est magnanimitati oppositum, quo homo ex paruitate animi se retrahit à magnis operibus, & honoribus, suam facultatem non excedentibus, ac si excederet: ex S. Thom. secunda secundæ. q. 133. Est etiam hoc vitium aliquando mortale, quādo ea à quibus retrahit, sunt simpliciter de necessitate salutis, vt cū quis non vult confiteri tempore debito, timens iterum relabi, vel non vult acceptare prælationem impositam ex præcepto, timore deficiendi, & huiusmodi. Si verò retrahatur ab alijs nō necessarijs, sed vtilibus sibi, vel proximo, maximè in spiritualibus, est veniale, & tanto granius, quanto res salutis animæ expediens magis est, & honoris diuini, quem quilibet quærens tenetur.

QVÆSTVARII.

¹ QVÆSTVARII dicuntur, qui per diuersas dioceses discurrunt pro elemosinis, nomine vel hospitalium, vel monasteriorum, vt sunt, qui pro S. Antonio quærant, qui communiter dicuntur zaratani. Hi non debent admitti, nisi veras literas Apostolicas, vel diocesanas ostendant, quarum forma ponitur in c. cū ex eod. de pœni. & remis. & debent prius per Episcopum examinari antequam acceptentur: vt in cle. abusionibus. de pœni. & remis. nec permittantur prædicare: nisi secundum, quod in literis suis continetur in d. c. cū ex eo.

² QVONIAM si in literis eorum continetur, quod charitatiuè recipiantur, & fideles ad eorum exhortationem conuocent, non propter hoc rectores ecclesiarum

elestatum, aut clerici tenentur hoc facere si nolunt quia in extraua. Cle. III. est reuocatio huiusmodi literarum, quantum ad conuocationem, & tales quatuor non debent habitum falsae religionis portare, aut indulgentias vel alia falsa proponere. Vt in d. cle. abusi-
onibus. & in d. cum ex eo. habetur. At si publice delinquant, ab ordinarijs possunt puniri, licet sint exempti. c. tuarum. de priuile. nisi aliquod aliud habeant in suis priuilegijs, quod feruari debet secundum glo. in d. c. tuarum. ut est in priuilegijs praedicatorum & minorum. supra. Exemptus. §. 1.

RANCOR.

Rancor secundum, quod importat displicentiam contra aliquem, propter quod desiderat, vel querit malum alteri, nascitur ex acedia. Aliquando est si sit ira, & mortalis, si malum sit importatum. supra. odiu. §. 1. Quomodo quis tenetur dimittere signa rancoris. supra. Charitas. §. 1. Etiam propter scandalum debet facere.

RAPINA.

Rapina per quam quis violenter, & contra iustitiam accipit rem alienam, mortale peccatum est: tum quia iniuria proximo infert, tum quia damnum, siue fiat a bellantibus, siue a latronibus, siue ab habentibus potestatem publicam, dummodo contra iustitiam, & violententer rapiant, restitutioni sunt obnoxij. Si autem rapiant in bello iusto, vel autoritate publica: secundum iustitiam, licet vim inferant, non dicuntur proprie raptores, nisi excedant limites commissionis: secundum Tho. secunda secundae. q. 66. a. 8. supra. Bellum. §. 11. & 13.

Si probauero furtum contra aliquem, vel rapinam, stabitur iuramento meo de quantitate rei raptae secundum Panor. in c. super eo. de his quae vi me. ve. & Inno. ibi. Et potest probari furtum, & rapina per socios familiares, & huiusmodi: ut etiam tenet Sil. ver. rapina. §. vlt.

De pena raptorum quomodo excommunicantur ab Episcopo. c. 1. de rap.

quomodo denegatur poenitentia nisi restituant, & quauis eos poeniteat, & non restituant, negatur sepultura. c. super eo. tit. & c. literis. etiam si faciant, quod possunt. & hoc fit ad aliorum terrorem.

Raptor etiam dicitur, qui virginem, vel sanctimoniam, vel viduam, etiam largo modo vi opprimit, & sine dubio mortaliter contra legem Dei agens, etiam per leges grauius punitur. c. de raptoribus. §. 6. q. 1. nec rapta potest cum raptore contrahere de iure ciuili: ut dicitur infra. §. 1. C. de rap. virg. vel vid. l. vnic. supra. Luxuria. §. 4.

Aliquando persona rapitur propter alium finem, vel ut vendatur vel ob aliud, & tunc ultra iniuriam sibi factam, iudicandum est peccatum secundum finem, pro quo raptor rapit. Et quod dictum est, quod rapta non potest contrahere cum raptore, intellige de iure ciuili, de iure canonico, quandoque potest: ut quando praecessit tractatus de nuptiis: secundum Panorm. in c. cum causa de rap. Vide in c. accedens. de rap. quia rapta si vult, potest cum raptore contrahere.

RATIOCINIUM.

Ratiocinijs obnoxij, an possint promoueri ad ordines, vide cad. propterea. d. 5. ff. de mu. & ho. l. rescripto, & Innoc. in c. vnic. de obliga. ad ratio. C. de cle. & epif. l. quisquis emeritis. Haec ad aliud forum pertinent.

RATI HABITIO.

Rati habitio qua quis contentus in illud, quod nomine suo gestum est, multas requirit condiciones ad hoc, quod retrahatur ex fisione iuris. Et primo si debeo habere aliquod ratum, oportet quod sit factum nomine meo, id est, ad mei contemplationem. secundum gloss. in c. cum quis. de sent. excom. lib. 6. videlicet, licet sim contentus Petrum occidisse Ioan. quem non interfecit nomine meo, non dicitur rati habitio. Secundo, oportet, quod habeam factum, tanquam factum nomine meo. Possum enim esse contentus de homicidio facto nomine meo,